

**wānaskēwin ēkwa mīna saskāciwan kihci-kiskinwahamātowikamik
nahēyih towasinahikan, 23 ē-akimiht ohpahowi-pīsim, 2021**

āsay mīna sāpostahwāw mītos.
ēkota kā-mākonikātēk ahpinēkinohk
asotamātowina, akāwācikēwina kā-mīskotōnikātēki.
tāpiskōc pahkwēsikan kā-pahkwēniht,
ē-pahkwēnamātoyāhk,
ōma kā-nisitohtamihk askiy,
askīwi-kiskinwahamākēwin
ēkwa isīhcikēwi-wēyotisiwin, ēkon ōhi pakosēyih tamowina
kā-mīkisistahikātēki masakāhk.

namōya tāpiskōc kā-ostēsīmāwasinahamihk,
namōya anohc mōniyawak ta-sīhkiskamwak
anihi asotamākēwina ēkā kā-kaskihtācik ta-itōtahkik.
tāpiskōc wīkihtowinihk ita kā-nahēyih tohk,
kīspinamātowin ēkwa kīkwaya ēkota kā-ohcipayiki
okiskēyih tamowiniwāw – ōma kiskēyih tamowin
ta-masinipēhikātēw apahkwāsonēkinohk.
mīnisa kā-wī-asamikawiyahk, āmowak kā-atoskātahkik,
kimiwan kā-miywāpāwatāt, pīsim kā-kīsatisohāt
ta-māwasakonikātēwa ta-asamihcik ayisiyiniwak.

aspēyimowin - trust
manācihtowin - (mutual) respect
tapahtēyimisowin - humility
tāpwēwin - truth
sākihitowin - love

ōki ohkomimāwak ēkwa omosōmimāwak
ēkonik ōki wiyawāw waskawīwin
tāpwē piko ta-pimitisahamahk.
ēkonik ōki kā-kanawāpamikoyēkok.

© Louise B. Halfe – Sky Dancer

Parliamentary Poet Laureate

Translation: © Jean Okimāsis and Arok Wolvengrey, with Louise B. Halfe – Sky Dancer